



Concello de
OURENSE



XIV CERTAME INTERNACIONAL DE CINEMA ESCOLAR OUFF ESCOLA 2023

A Concellaría de Educación do Concello de Ourense en colaboración coa Secretaría Xeral de Política Lingüística convoca o XIV Certame Internacional de Cinema Escolar , OUFF Escola.

O Certame de Cinema Internacional Escolar Ouff escola nace co obxectivo de impulsar o uso do idioma galego entre a mocidade, coñecer a visión desta sobre a súa contorna sociocultural e fomentar a creatividade audiovisual e o traballo en equipo, nunha linguaxe atractiva para o alumnado, que contribúa a xerar un espírito crítico. Este certame pretende, así mesmo, potenciar o uso das tecnoloxías da información e da comunicación nos centros de ensino e crear un espazo de referencia para a mostra do audiovisual feito nas aulas.

Esta iniciativa encádrase como ferramenta dentro da **Directiva Europea de Alfabetización Mediática**, que procura dar formación á mocidade sobre o coñecemento e a avaliación do audiovisual.

“Facer cine en Galicia é posíbel. Facer cine en galego é necesario, calquera cultura que queira sobrevivir precisa do cine”.

Chano Piñeiro



Concello de **OURENSE**



BASES E CONVOCATORIA

XIV CERTAME INTERNACIONAL DE CINEMA ESCOLAR OUFF ESCOLA 2023

1. FINALIDADE DA CONVOCATORIA

O obxectivo desta convocatoria é regular o procedemento de aceptación e participación de proxectos audiovisuais no XIV Certame de Cinema escolar convocado polas devanditas entidades.

2. PARTICIPANTES

Poderá participar centros educativos públicos e privados de ensino non universitario de Galicia durante o curso 2022-2023, así como aqueles de fóra de Galicia que teñan materias en lingua galega. A participación realizarase sempre baixo a titoría dun profesor ou profesora responsábel do proxecto.

3. CATEGORÍAS

Estabelécense dúas categorías:

- A) Infantil e primaria
- B) Outros niveis de ensino non universitario (agás as escolas oficiais de Imaxe e Son)

4. CARACTERÍSTICAS DAS OBRAS AUDIOVISUAIS

As obras deberán cumprir os seguintes requisitos:

- Todos os traballos estarán en lingua galega.
- Deberán ser orixinais ou adaptacións, non comercializados, e non presentados con anterioridade a este certame.
- Modalidades: ficción, documental, animación.
- Duración: até 20 minutos, créditos incluídos.
- A temática será libre.
- Quedarán excluídos aqueles traballos que inciten ao racismo, xenofobia, homofobia e calquera tipo de violencia, así como os que atenten contra a dignidade da persoa.
- As obras presentaranse en formato dixital.



Concello de **OURENSE**



- Cada traballo non deberá conter máis dunha obra e deberá estar en perfecto estado para a súa proxección.
- Cada obra irá identificada co título, a duración e o centro de ensino de procedencia.
- De apareceren menores de idade, deberán contar coa autorización paterna e/ou materna.
- Calquera apropiación indebida de dereitos de autor –imaxe e son- ou incumprimento das bases desta convocatoria é responsabilidade directa do profesor/a ou titor/a.
- Todo o proceso de creación da película (interpretación,dirección,guión) deberá ser realizado polo alumnado ou membro da comunidade escolar.

5. INSCRICIÓN NO CERTAME

A inscrición formalizarase:

1. Enviando o cuestionario que aparece na sección de OUFF Escola das páxinas web www.educacionourense.com y www.ouff.org antes do 10 de xullo 2023, totalmente cuberto e asinado polo profesor ou profesora responsábel do audiovisual ao enderezo de correo electrónico **ani.cacabelos@ourense.es**.
2. Para a recepción dos traballos facilitarase un link da película e a súa clave de visionado a través de vimeo ou semellante que se enviará ao correo electrónico **ani.cacabelos@ourense.es**

6. XURADO

O xurado estará composto por 5 persoas. Tres membros do xurado serán nomeados polo Concello de Ourense e dous membros serán nomeados pola Secretaría Xeral de Política Lingüística .

Os membros do xurado valorarán os seguintes criterios:

- Calidade da obra
- Orixinalidade do argumento
- Autenticidade e calidade no uso da lingua
- Potenciación de valores democráticos e de tolerancia
- Uso creativo das novas tecnoloxías e das ferramentas de software libre



Concello de **OURENSE**



A DECISIÓN DO XURADO SERÁ INAPELÁBEL

As curtametraxes premiadas serán publicadas nos seguintes enderezos web:

- www.educacionourense.com
- www.ouff.org
- www.xunta.es/linguagalega/equipos_de_normalizacion_linguistica

7. PREMIOS

OUFF Escola concederá os seguintes premios:

Categoría A

1.º Premio: seiscientos euros (600) para o centro educativo.

2.º Premio: catrocentos euros (400) para o centro educativo.

3.º Premio: douscentos euros (200) para o centro educativo.

Premio Blanco Amor ao Mellor Guión: **trescentos euros (300)** para o centro educativo.

Categoría B

1.º Premio: seiscientos euros (600) para o centro educativo.

2.º Premio: catrocentos euros (400) para o centro educativo.

3.º Premio: douscentos euros (200) para o centro educativo.

Premio Blanco Amor ao Mellor Guión: **trescentos euros (300)** para o centro educativo.

O acto de entrega de galardóns realizarase no Auditorio Municipal de Ourense, no cal se proxectarán os traballos gañadores nas salas cinematográficas vinculadas ao Certame.

Todas as obras presentadas recibirán un certificado acreditativo da súa participación.

Non se concederán premios *ex aequo*. De estimar o xurado que os traballos non reúnen a calidade suficiente, os premios poderán ficar desertos.

INFORMACIÓN ADICIONAL

A inscrición no XIV Certame Internacional de Cinema Escolar, Ouff Escola, implicará a total aceptación destas bases polos participantes.

A interpretación destas, así como outros aspectos que poidan xurdir sen estaren contemplados nestas bases, serán competencia exclusiva da organización do Certame.

O Concello de Ourense resérvase o dereito de poder exhibir os audiovisuais inscritos, con fins educativos e



Concello de **OURENSE**



culturais, non comerciais e sen ánimo de lucro, en actividades como ciclos, cursos de cine, xornadas de promoción e outros.

Non se devolverán as copias dos traballos presentados.

FICHA DE INSCRIPCIÓN DO XIV CERTAME INTERNACIONAL DE CINEMA ESCOLAR , OUFF ESCOLA

DATOS DO CENTRO

NOME DO CENTRO:		
NIF/CIF:	RÚA, N.º, ANDAR, PORTA:	
LOCALIDADE:		
CÓDIGO POSTAL:	PROVINCIA:	
TELÉFONO:	CORREO ELECTRÓNICO:	
NOME E APELIDOS DO PROFESOR OU PROFESORA RESPONSÁBEL:		
NIF:	CORREO ELÉCTRÓNICO:	

OBRA PRESENTADA

TÍTULO DA OBRA:	DURACIÓN:
N.º DE PARTICIPANTES:	CURSO/S:
CONTA COA AUTORIZACIÓN PATERNA DO ALUMNADO PARTICIPANTE: SI NON	
SINOPSE ARGUMENTAL:	

A sinatura desta ficha implica a aceptación das bases que regulan o XIV Certame Internacional de Cinema escolar OUFF Escola por todos os participantes.

PROFESOR/A RESPONSÁBEL

Asdo.:

Data:

De conformidade co disposto na Lei de protección de datos (L.O.15/1999), os datos de carácter persoal, recollidos neste impreso, serán incorporados a un ficheiro automatizado coa exclusiva finalidade do seu uso dentro deste certame. O/a titular destes pode exercer o seu dereito de rectificación ou cancelación, nos termos da lei, dirixíndose ao Concello de Ourense, Concellería Educación (Canle,6- Ourense).